



ATASSUT

UPA15/51-1

Siverth K. Heilmann

26.03.15

Pisortat inissiaataannik aqutsinermi akissajaatit ikililernerqarsinnaanerannik periarfissat pillugit misissuisoqarnissaannik apeqquteqaat aallaavigalugu oqallinnissamik siunnersuut.

(Inatsisartunut ilaasortaq Hans Enoksen, Partii Naleraq)

ATASSUT-miit oqallinnissamik siunnersuuteqartoq qutsavigaarput.

Inatsisartunut qineqqusaarneq kingulleq eqqarsaatigalugu ineqarnek ataatsimut tamaat isigalugu, ATASSUT-mut assut pingaaruteqarsimavoq. Ilaatigut pingaarnertullu ATASSUT-mi Naalackersuisuutitaqarnitsinni ineqarnermut akit ukioq manna 2015-mi qaffanneqannginnissaat qulakkeertikkatsigu. Tamanna ilisimavarput sinerissami ininik attartortorpassuarput aningaasaqarnikkut qularnaarnerannik kinguneqartoq, tamannalu ATASSUT-miit iluarisimaarparput.

Inissialiorderit, ineqarnerlu ataatsimut isigalugit, pingaartuuvoq, pilersaarusernermi Kommuunit akisussaasuusut qanimut pilersaarusernermi ataqatigiissarinnermilu suleqatigilluinnarnissaat. Taakkumi sumiiffiminni tullerriiarineq, pingaarnersiuineq isumagisaraat, pisariaqartitsinerlu ilisimaaralugu.

ATASSUT-ip pingaartilluinnarpaa siunissami inuiaqatigiinni, pisortat kisimik pingaarnertullu inissianik piginnittuujunnaariartuarnissaat. Innuttaasut sapinngisamik amerlanerpaat inigisatik pigileriartuassagaat. Aammalu nunatsinni innuttaasut amerlanerpaat namminneq angerlarsimaffitik pigissagaat. Tamanna ilaqutariinnut toqqissisimanermik pigisaqarnek aallaaveqarnerlu pilersissavaa, aammalu pisortat pisariaqartitsisunut inissianik sanaartorneq aallutissallugu.

Inissianik sanaartorneq sulii annertoqisumik pisariaqartinneqarpoq. Taamaattumillu ataqatigiissumik sanaartorneq ingerlanneqassappat, pisortat kisimik sanaartorsinnaanngitsut ATASSUT isumaqarpoq. ATASSUT-miillu namminersortut kaammattorumavagut, nunatsinni ajornartorsiutip, tassalu inissaaleqinerup qaangerniarnerani peqataaqqullugit.

Ineqarnek pillugu nunatsinni sulii unamminartumiippugut. Ineqarnerup akia kisiat pinnagu.

Aammalu ineqarnikkut unamminartut allat eqqarsaatigalugit. Taakku maannamut qulaajaaffigalugit



ATASSUT INATSISARTUNI

aallartinneqartut ATASSUT-miit neriulluarfigaavut, aammalu peqataassaagut
aaqqissuusseqqinnermi.

Aserfallatsaaliineq, nutarsaanerillu ingiaqatigiittumik pilersaarusionerqarnerat nangittariaqartoq,
ATASSUT-mi isumaqarpugut. Pingaaruteqarpoq, aserfallatsaaliineq, ingutserinerit, sanaartornerlu
ataqatigiissumik, attuumassuteqartullu peqatigalugit ingerlanneqassasoq, sinerissamilu
siamasissumik.

Taamaattumik maannamut Naalackersuinikkut suliniutigineqartut, ATASSUT-milu annertuumik
peqataaffigisavut nangissavagut, kommuunit attuumassuteqartullu peqatigalugit.

Taamatut oqaaseqarluta oqallisissiaq soqutiginarpoq pingaaruteqartorlu ataatsimut
oqaaseqarfigaarput.

Qujanaq.